

张羽新 徐中起 欧光明 主编

张双志 苏钦 副主编

清朝安边治国 民族立法文献汇编



中国民族摄影艺术出版社

内容提要

《鄂尔泰奏疏》，不分卷，清人鄂尔泰撰。

鄂尔泰以在苗疆推行改土归流闻名于生前身后，其生平事迹见前册。此书主要内容是汇编其雍正八九年间接滇川乌蒙一带苗疆地区的奏稿。《清史稿·本传》对此有较详细的记述。他于雍正四年（一七二六年）十月实授云贵总督之后，即着手处理乌蒙一带苗民起事问题：『四川乌蒙土司禄万钟为乱，侵东川。鄂尔泰请以东川改隶云南，上从之。仍命会四川总督岳钟琪按治，招琪渠禄鼎坤出降。鄂尔泰令鼎坤招万钟，数往不就抚，乃檄总兵刘起元率师讨之，破其所居寨。万钟走匿镇雄土司陇庆侯所。五年，万钟诣钟琪降，庆侯亦诣钟琪请改土归流。上命钟琪以万钟、庆侯交鄂尔泰按讞。叙功，授世职拜他喇布勒哈番。』但局势一直不稳，至雍正八年六月，『禄鼎坤及其族人鼎新、万福遂纠众攻城，劫杀起元及游击江仁、知县赛枝大等，尽戕其孥。鄂尔泰疏闻，请罢斥，上慰谕之。乌蒙既陷，江外凉山、下方、阿驴，江内巧家营、者家海诸寨及东川禄氏诸土目皆起而应之，又令则补，以址诸寨

要截江路，以则、以擢诸寨窥伺城邑，东川境内空泥、矣氏、歹补、阿汪诸寨，东川境外急罗箐、施鲁、古牛、毕古诸寨，及武定、寻甸、威宁、镇雄所属诸夷，远近响应，杀塘兵，劫粮运，堵要隘，毁桥梁，所在屯聚为乱。鄂尔泰集官兵万数千人，土兵半之，分三路进攻：令总兵魏翥国攻东川；哈元生攻威宁，副将徐成贞副之；参将韩勋攻镇雄。翥国师行，土目禄鼎明遣行刺，被创，以总兵官禄代将。师进，焚苗寨十三。遣游击何元攻急罗箐，杀三百余，降一百三十余。游击纪龙攻者家海，破寨，尽歼其众。勋与苗兵遇于莫都，战一昼夜，破寨四，杀数百人。进攻奎乡，战三日，杀二千余。元生、成贞自威宁攻乌蒙，射杀其渠黑寡、暮末，连破寨八十，击败其众数万，遂克乌蒙。鄂尔泰檄提督张耀祖督诸军分道穷搜屠杀，刳肠截脰，分悬崖树间，群苗誓栗。上奖鄂尔泰及诸将，以元生、成贞、勋为功首，发帑犒师。陇庆侯庶母二禄氏、四川沙马土妇沙氏以不从乱，给诰命，赉银币。于是苗疆复定。鄂尔泰令于云、贵界上筑桥，命曰庚戌桥，以年纪其绩也。』局势基本稳定后，雍正九年（一七三一年），鄂尔泰将有关奏稿汇编成此书，给后人留下来一部研究清代苗疆问题的重要文献。

題爲

天威震疊逆賊蕩平酌撤官軍仰祈

睿鑒事竊緣烏蒙逆賊悖亂猖狂以致漢彝人民憂懣憤恨蓋由地皆蠻獮性本豺狼內則涼山鼠地恃爲窠巢外則長江重關倚爲鎖鑰松林嘯聚連威寧之阿底爲咽喉龍洞潛埋與鎮雄之奎鄉爲唇齒而東川之巧家者海巴兔那姑則皆往來之門戶蜀界之雷波阿驢黃螂黑骨則皆勾結之姻親順則藏踪歛跡伏處深岩逆則招類引朋會合險地頭目一呼不崇朝而達四境餘克羣起遞刻木而傳三邊頃忽羽書告警遐邇震驚几隣近村民爭思倉皇避難卽聞風遠寨亦擬挈眷偕逃亡時情形幾幾乎有猝難

收拾之勢幸仰賴

聖天子仁威宥物諸將士忠勇忘身兵戈所臨莫不授首官軍所到罔弗獻俘不三旬而復郡治不七旬而收全土今渠魁盡擒逆黨盡獲凡屬克鵠並無漏網臣實不敢逆料如此之迅捷也計前後調遣進剿堵禦以及彈壓附近郡縣漢土官軍步騎二萬九千餘人准四川提督臣黃廷桂調撥協剿漢土官軍步騎九千餘人除前經將情形

題報在案嗣於雍正八年九月十八日據鎮雄營叅將韓勲報稱鎮屬奎鄉一帶地方逼近烏蒙查有逆目施額者布法漏者約要結羣蠻暗通烏賊截我糧道殺我塘兵與烏裸切黑蘇家補裁沙兔阿底者則等各糾賊數百肆行剽

殺若不先爲剿擒恐蔓延愈衆是以酌派尋霑營守備朱廷貴率領把總柴文龍外委袁世臣向碩賓領兵一百五十人前往奎鄉駐劄彈壓勲自將步騎四百人以千總譚盛元雷濟生把總戴君錫吳贊外委賀以坤舒國勲從九月十二日徑趨賊營至莫都都軍之施額法漏領賊衆數千各披執鎮標所失盔甲旂幟軍械以拒官軍官軍眙目視之忿激爭先無不以一當百所向披靡而蠻賊恃衆敗而復聚散而復合自十二日巳時至十三日巳時一晝夜經戰二十七次殺死賊三百餘人鎗打死騎黑花馬頭目一人追至龍街子復連破四寨賊大潰鎮雄州知州徐德裕聞逆賊刷刀四佈謠言欲來劫州城州人驚惶九月十

五日遣壯丁趙國英等率衆往擒獲其子阿憂等三人阿憂稱劓刀與紐紐等九人約各領管下人先刼官母二祿氏然後攻城池掠倉庫進烏蒙二祿氏不從乃散去二祿氏者舊土官隴慶侯庶母奉令安插州治者也母女三人來訴曰妾等感激

聖恩忠心報効出於至誠誓死不從賊阿憂等三人旋亦殞命復遣鄉保甲長及兵役往捕劓刀獲之其同謀者紐紐得葉易可易租六約布着沙腰阿苟數十人而得葉易可已被執巡檢繆大緒亦擒獲附逆之犯得憂以吉小富等八人及搶刼之犯者覺者罷二人乃逆賊施額法漏復與烏賊並糾彝良一帶地方叛目阿布阿路谷壩及逃目渣多

落澤等領賊七八千，創立奎鄉對山之嶺。九月二十六日夜，將半掌號，吶喊勢甚猛。黎明，分九股，竟來迎敵。直趨韓勲營，迎敵勲亦以軍分七股，擊之一。令遊擊王弼以把總周成元、李大弘、張漢相副之一。令守備王應熊以千總姚明遠把總羅俊外委姜臣佐副之一。令守備朱廷貴以千總雷濟生把總吳贊外委舒國勲向碩賓副之一。令守備白天佐以外委黎九皋副之一。令守備金必信以把總汪玉卜貴副之。左右各分派六隊整軍，以待勲。自將帳下軍士袁世臣等突出山梁，與賊對敵。各將皆怒馬疾馳，身先士卒，奮勇力戰。自辰至申，鎗炮刀箭殺死百餘賊，帶傷者數百餘。斬首陸級賊大敗，盡奔入山谷。次日稱有賊數百。

將往劫倉倉去營五里明劫倉實欲暗劫營隨發卒一百
 聲言護倉而整營以俟伏賊果四起分十路來圍營官軍
 分五路往擊鎗炮刀箭復殺死二百餘賊帶傷者三百餘
 生擒四人斬首五十餘級弁目李義枝王之柱安國興以
 士兵要截後路亦殺死賊五十餘人賊又大敗越月二日
 賊仍分十路復來迎敵官軍仍分路擊之自辰至午賊傷
 死者復二百餘人斬首六十餘級帶傷者無算賊仍竄入
 山穴官軍戮力追殺直至賊營悉焚其寨賊盡奔散臣查
 鎮雄州屬之奎鄉逼接烏蒙要隘離州城四站計該營額
 兵除留城分汛外時韓勲所領駐劄奎鄉者不過四百人
 敵賊衆數千血戰一日夜殺賊數百連破四寨斬賊目一

人非具忠勇之氣不能奮力如此後連次接戰亦止一千五百兵敗賊八千殺二千餘衆大破賊鋒實自韓勲始隨又添撥官兵一千餘名星速前往俾存防進剿皆可敷分布此鎮雄一路韓勲親身臨陣首先報捷之情形也而知州徐德裕於倉皇擾攘之餘獨能安撫漢彝捕緝克逆解散賊黨保固城池俾韓勲不煩兼顧亦與有功焉至威寧官軍軍於得勝坡踞險以待未敢輕進及九月二十日安籠鎮總兵官哈元生奉調抵營聞阿底屬下各裸人受烏賊賄賂悖主作叛擅將一路塘房村寨搶擄燒殺其阿底官婦安氏母子不知逃往何所隨查梧州協副將徐成貞移交已到官兵雖有三千五百而派往鎮雄奎鄉駐守威

寧宣威分防長勝寨堵禦官防海子者已共二千六百實在駐劄得勝坡者僅九百二十一日卯刻據哨兵飛報到營山梁上望見烏賊約二萬衆分三股漫過官防海子將村寨塘房盡行燒燬張旂吶喊殺奔前來哈元生乃下令軍中亦分三路迎敵親帥遊擊曾長治等領官軍由中路進徐成貞領官軍由左路進遊擊王友文雷應萬領官軍由右路進離營五里與賊對敵從辰至酉傷死逆賊無數斬首三十餘級大敗之次日賊衆復分十二三路而來官軍仍分兵三路親自將三百兵由左路徐成貞將三百兵由中路遊擊王友文雷應萬將四百兵由右路餘兵悉令遊擊曾長治守備趙延弘軍於營外三路官軍旣與賊對

壘雖左麾右指無不響應然賊衆我寡從辰至未相持甚
久勢難遽破忽飛馬騰上搶佔山梁賊已三十餘騎各執
長鎗前來圍刺攘臂直前者阿底逆目黑寡也劈馬望見
憤不自顧一箭射中黑寡當胸遂落馬斬其首剝爲肉泥
復射死一賊莫莫莫者亦賊中渠魁賊始敗遁約追殺
五里活捉賊十三人斬二人剝去右手者十一人而中右
兩路守備徐國佐千總楊旭等復冒刃衝鋒而上賊衆大
敗時已薄暮收兵回營所獲藤牌鎗弩器械及馬匹牛羊
無算悉賞奮勇頭等官軍二十五日賊復聚長勝寨計圖
乘虛闖入曲尋鎮把總金良傑僅帶二百兵分防倉猝與
賊對敵自寅至巳殺賊甚衆斬首七級而阿底亮目與烏

賊勾連故賊勢猖熾雖日被殺傷竟不潰散乃請催官兵
星速前進時臣已委有尋霑營叅將康世顯賁持令箭統
領續到之永順開化官兵一千馳赴得勝坡並飛咨貴州
提督臣楊天縱就近催撥官兵仍將黔省現在古州之兵
酌量調撥令大定協副將劉朝貴統領赴威漸次齊集復
有威屬土目阿克安天爵泚處安疆雄所安國興以及捕
克臚書等各帶裸兵投至哈元生行營懇求効力審言觀
色頗屬諄誠隨將臣所發大緞銀牌花紅獎賞又給安天
爵安疆安國興三人千總委牌並補服頂帽鼓以前驅裸
俗以十月朔爲年期料阿底逆目構雄必歸家乃令把總
陳聯科密授以計領安疆安邦諸土目帶土兵一千人於

先日戌時往捕平明已到寨賊大驚潰斬首百餘級顧不
得構雄擒其妻女三人僕婢男婦大小百餘及馬匹牛羊
悉分賞安疆等以示獎勵臣查威寧土目素昔恭順効力
尤多即阿底之安氏亦曾曲施矜全乃逆目黑寡構雄等
悖主從賊今黑寡逞兇既已應弦而斃身首異處而頭目
安疆等復將構雄之家口悉行擒獻並斬首百餘級應加
獎賞隨發銀二千兩紀功銀牌三十面委牌頂帽補服綬
疋等項行令總兵官哈元生先給安疆千總委牌頂補全
副賞元寶一錠蟒綬一疋綵綬二聯安邦安國等各給把
總委牌頂補各一銀各二十兩綵綬各二疋其土兵等共
賞銀三百兩餘存備用至此次奮勇並得勝坡屢戰奮勇

之備弁及奮勇之金良傑等俱暫給紀功牌一面即令該鎮鼓勵官兵乘機進剿隨據哈元生於十月初六日一派前路先鋒仍兼管左路尋霑營叅將康世顯署威寧營叅將曾長治領開化威寧備弁漢官兵八百人土官兵一千人由催住稻田壩進松林至八仙海會合一派右翼奇兵貴州提標後營遊擊王友文安籠鎮標中軍遊擊王弼領本標及各協營漢官兵八百人土官兵一千人土目他勺黑引路由黑寡進松林抄截逆賊左脇攻進至八仙海會合一本總統派同副將徐成貞統率滇黔各路漢官兵一千人土官兵一千人進攻响水稻田壩由松林至八仙海會合以上三路派定會合諸將直搗烏酋賊巢一派留叅

將梁彪領雲貴撫標並威寧存城官兵七百人固守城池
並稽察往來緊要軍機及督趲軍糧一派曲尋鎮標遊擊
雷應萬領本標官兵三百人駐扎長勝寨遊巡盤查防閑
堵禦護衛軍糧一派永順鎮標遊擊李世祿領督標並本
標官兵五百駐扎得勝坡扼要並令每日於各處偵探查
警接應聲援以通威寧烏蒙緊要軍機催運軍糧一派四
川永寧協官兵二百駐劄鎮雄州城更換畢赤營官兵一
百三十人前赴沙喇林會合曲尋鎮標把總朱俊所帶兵
五十人協同防守一派鎮雄營叅將韓勲將所統領駐劄
奎鄉官兵一千五百人除酌留彈壓奎鄉外其餘漢土官
兵先將施額法漏剿洗淨盡隨即由龍洞山左出八仙海

會合大兵直搗賊巢初八日本職自得勝坡督率官軍分途進勦前至以那劄營逆賊二萬餘衆竟踞對面山梁張旗吶喊連站十餘里官兵雖強幾有衆寡不敵之勢此非用奇兵曷克制勝乃會商副將徐成貞密令提標後營遊擊王友文領土千總安疆等帶漢土官軍一千八百人於初九夜暗由右首蔴窩山後埋伏聽信炮爲號出奇攻擊又令尋露營叅將康世顯署威寧營叅將曾長治領土目捕克等帶領漢土官兵一千八百人亦於是夜暗由左首山後埋伏亦聽信炮爲號出奇攻擊初十日五鼓親同副將徐成貞率備弁並土目安天爵統領漢土官兵由中路前進逆賊分數十餘股前來迎敵官兵一人不動直至相